



ԵԴ2/36922/02/23

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
Ո Ր Ո Շ ՈՒ Մ**

**ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ
ՆՇԱՆԱԿԵԼՈՒ ՄԱՍԻՆ**

28 նոյեմբերի 2023թ.

ք. Երևան

Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարանի (այսուհետ նաև՝ Դատարան) դատավոր Լ. Սաղոյանս, ծանոթանալով «Հիպերնովա» ՍՊ ընկերության հայցադիմումին և դրան կից փաստաթղթերին,

Պ Ա Ր Ձ Ե Ց Ի

«Հիպերնովա» ՍՊ ընկերության անունից 06.11.2023 թվականին հայցադիմում է ներկայացվել դատարան ընդդեմ ՀՀԱՄՄՀ-ԳՀԱՇՁԲ-23/76 ծածկագրով գնման ընթացակարգի գնահատող հանձնաժողովի՝ թիվ ՀՀԱՄՄՀ-ԳՀԱՇՁԲ-23/76 ծածկագրով գնման ընթացակարգի գնահատող հանձնաժողովի 29.09.2023 թվականի թիվ 2 արձանագրային որոշումը՝ «Հիպերնովա» ՍՊ ընկերության հայտը անբավարար գնահատելու և մերժելու մասով ոչ իրավաչափ և անվավեր ճանաչելու պահանջի մասին:

Դատարանի (դատավոր՝ Ն. Ավետիսյան) 2023 թվականի նոյեմբերի 10-ի որոշմամբ հայցադիմումը վերդարձվել է՝ թերությունները շտկելու և հայցադիմումը կրկին ներկայացնելու համար եռօրյա ժամկետի տրամադրմամբ:

Հայցադիմումը կրկին դատարան է ներկայացվել 2023 թվականի նոյեմբերի 20-ին, նույն թվականի նոյեմբերի 21-ին մակագրվել դատարանի դատավոր Լ. Սաղոյանին, իսկ աշխատակազմին է հանձնվել՝ 23.11.2023 թվականին:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

ՀՀ քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:



Քննության առնելով ներկայացված հայցադիմումը, ուսումնասիրելով կից ներկայացված փաստաթղթերը՝ Դատարանը գտնում է, որ հայցադիմումը համապատասխանում է ՀՀ քաղաքացիական դատավարության օրենսգրքի պահանջներին, առկա չեն հայցադիմումի ընդունումը մերժելու կամ հայցադիմումը վերադարձնելու հիմքեր:

Ղեկավարվելով ՀՀ քաղաքացիական դատավարության օրենսգրքի 234.5-րդ, 234.6-րդ հոդվածներով՝


Ո Ր Ո Շ Ե Ց Ի

«Հիպերնովա» ՍՊ ընկերության հայցադիմումն ընդդեմ ՀՀԱՄՄԿ-ԳՀԱՇՁԲ-23/76 ծածկագրով գնման ընթացակարգի գնահատող հանձնաժողովի՝ թիվ ՀՀԱՄՄԿ-ԳՀԱՇՁԲ-23/76 ծածկագրով գնման ընթացակարգի գնահատող հանձնաժողովի 29.09.2023թվականի թիվ 2 արձանագրային որոշումը՝ «Հիպերնովա» ՍՊ ընկերության հայտը անբավարար գնահատելու և մերժելու մասով ոչ իրավաչափ և անվավեր ճանաչելու պահանջի մասին, ընդունել վարույթ և համարել դատարան ներկայացված սկզբնական ներկայացման օրը:

Եզրափակիչ դատական ակտի հրապարակման օր նշանակել 2024 թվականին հուլիսի 11-ին՝ ՀՀ դատական իշխանության պաշտոնական ինտերնետային կայքում:

Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ



Լ. ՍԱՂՈՅԱՆ